

率兵伐山魏大軍濟山集諸將議進趣之計斛律羗舉曰宇文黑獺雖聚凶黨強弱可知若固守無糧援可恃今扼其情以同困獸若不與其戰而逕趣長安空虛可不戰而剋拔其根本彼無所歸則黑獺之首懸於軍門矣諸將議有異同遂戰於渭曲大敗而歸齊神武違之而敗隋末王世充與李密相持於東都充夜渡陣於洛水之北其時密亦渡洛水陳兵與充相對東接月城西至石窟密兵多馬騎長槍宜平寬放縱充兵多戈矛排積宜隘險然南逼洛水北限大山地形逼促騎不成列充縱排積威之密軍失利密與數子登船南濟自餘兵馬皆東走月城充乘勝長驅直至月城下密既度南岸即策馬西上直向充本營左右麾旌相繼而至充營內見密兵來逼急連舉六烽充乃捨月城之圍收兵西退自洛北達於黑石中間四十餘里奔北顛獺大喪師徒密之此行也東北之圍不救而自解西南之寇不戰而成功充伏其權奇不復輕出

軍師伐國若中路城大兵多須下方過

秦末沛公破南陽郡南陽守宋齟魚綺反走保城守宛沛公引兵過而西張良諫曰沛公雖欲急入關秦兵尚衆距險今不下宛宛從後擊強秦在